



Broj: 02-05-21353-2/12
Sarajevo, 05.07.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **78.** sjednici održanoj **05.07.2012.** godine, donijela je sljedeći

ZAKLJUČAK

1. Utvrđuje se Prijedlog zakona o izmjeni i dopuni Zakona o plaćama i naknadama u organima vlasti Kantona Sarajevo.
2. Predlaže se Skupštini Kantona Sarajevo da pretrese i doneše zakon iz tačke 1. ovog Zaključka po hitnom postupku, u skladu sa članom 153. Poslovnika Skupštine Kantona Sarajevo ("Službene novine Kantona Sarajevo", broj: 25/10 - Novi prečišćeni tekst i br: 14/11, 19/11, 7/12 i 26/12).
3. Zadužuje se Vlada Kantona Sarajevo da, do sjednice Skupštine Kantona Sarajevo, pribavi mišljenje sindikata na Prijedlog zakona o izmjeni i dopuni Zakona o plaćama i naknadama u organima vlasti Kantona Sarajevo.

PREMIER

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. Arhiva



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovine
Federacija Bosne i Hercegovine
KANTON SARAJEVO
VLADA

**ZAKON
O IZMJENI I DOPUNI ZAKONA O PLAĆAMA I
NAKNADAMA U ORGANIMA VLASTI KANTONA
SARAJEVO
(PRIJEDLOG)**

Nosilac izrade:
Ministarstvo pravde i uprave
Ministarstvo za rad, socijalnu
politiku,raseljena lica i izbjeglice
Ministarstvo finansija

Sarajevo, juli 2012.godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96 - Ispravka, 16/97, 14/00, 4/01 i 28/04) i čl. 59. i 60. Zakona o plaćama i naknadama u organima vlasti Federacije Bosne i Hercegovine ("Službene novine Federacije Bosne i Hercegovine", broj 45/10), uz saglasnost sindikata, Skupština Kantona Sarajevo na _____ sjednici od _____ 2012. godine, donijela je

(PRIJEDLOG)

**ZAKON
O IZMJENI I DOPUNI ZAKONA O PLAĆAMA I NAKNADAMA U ORGANIMA
VLASTI KANTONA SARAJEVO**

Član 1.

(Izmjena i dopuna člana 5.Zakona)

U članu 5.Zakona o plaćama i naknadama u organima vlasti Kantona Sarajevo («Službene novine Kantona Sarajevo », broj 33/11) riječ „do“ zamjenjuje se riječju „najmanje“.

Član 2.

Iza člana 49. dodaje se član 49a., koji glasi:

„Član 49a.

(Zaštita plaće)

- (1) Ukoliko je osnovna plaća državnog službenika i namještenika, koja mu pripada po Zakonu o plaćama i naknadama u organima vlasti Kantona Sarajevo, manja od osnovne plaće koju je imao na dan 31.12.2011. godine, obračunava mu se posebni dodatak do visine osnovne plaće koju je imao na dan 31.12.2011. godine.
- (2) Odredbe stava (1) ovog člana primjenjuju se od 1.01.2012. godine.

Član 3.

(Stupanje na snagu)

Ovaj zakon stupa na snagu osmog dana od dana objavlјivanja u "Službenim novinama Kantona Sarajevo".

Broj _____
Sarajevo _____ 2012.godine

**PREDSJEDAVAJUĆA
SKUPŠTINE KANTONA SARAJEVO**

prof.dr. Mirjana Malić

O B R A Z L O Ž E N J E

PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo, kojim je utvrđena zakonodavna funkcija Skupštine Kantona u oblastima koje su u isključivoj nadležnosti kantona, kao i čl. 59. i 60. Zakona o plaćama i naknadama u organima vlasti Federacije Bosne i Hercegovine (dalje: Federalni zakon), kojim utvrđeno da se osnovica utvrđena članom 5. ovog zakona primjenjuje u kantonima, te da će kantoni svojim propisima, uz saglasnost sindikata, propisati koeficijente za radna mjesta, s tim da osnovna plaća za ista ili slična radna mjesta u kantonu ne može preći 90% od plaće za takva radna mjesta na federalnom nivou.

RAZLOZI DONOŠENJA

Odredbe člana 5. Zakona o plaćama i naknadama u organima vlasti Kantona Sarajevo nisu usklađene sa odredbama člana 60. stav 2. Federalnog zakona.

Naime, u vrijeme donošenja ovog kantonalnog zakona u parlamentarnoj proceduri su bile izmjene i dopune Federalnog zakona, kojima je bilo predviđeno da se u kantonima primjenjuje osnovica za plaću iz člana 5. Federalnog zakona umanjena do 10%, pa je opredjeljenje bilo da se ove odredbe primjene u Zakonu.

Kako Federalni zakon do danas nije izmijenjen, to je potrebno ovaj Zakon uskladiti s važećim odredbama Federalnog zakona, koje daju ovlaštenje kantonima da utvrde koeficijente za plaću i osnovicu na način da osnovna plaća za ista ili slična radna mjesta u kantonu ne može preći 90% od plaće za takva radna mjesta na federalnom nivou, a u skladu s načelima fiskalne odgovornosti iz člana 3. tačka 3.) Federalnog zakona, odnosno prema finansijskim mogućnostima kantona.

PRAVNA RJEŠENJA

Član 1. - Član 5. Zakona izmijenjen je utvrđivanjem da se Vlada Kantona u dogovoru sa sindikatom utvrđuje osnovicu za obračun plaća, u skladu sa članom 5. Zakona o plaćama i naknadama u organima vlasti Federacije BiH, umanjenu najmanje 10%.

Ovo znači da umanjenje osnovice za plaću može biti i veće, zavisno od finansijskih mogućnosti Kantona, a u skladu s načelima fiskalne odgovornosti iz člana 3. tačka c) Zakona o plaćama i naknadama u organima vlasti Kantona Sarajevo.

Član 2.- Odredbama novog člana 49a., radi zaštite plaća državnih službenika i namještenika, čija je osnovna plaća manja po odredbama Zakona o plaćama i naknadama u organima vlasti Kantona Sarajevo, propisano je da zadržavaju plaću (poseban dodatak) koju su imali na dan 31.12.2011. godine, s tim da se ove odredbe primjenjuju retroaktivno od 1.01.2012. godine, s obzirom da su povoljnije i štite ih od umanjenja dosadašnje plaće.

Član 3. - Utvrđen je uobičajeni rok za stupanje na snagu zakona.

PRIJEDLOG ZA DONOŠENJE ZAKONA PO HITNOM POSTUPKU

Predlaže se donošenje ovog zakona po hitnom postupku, u skladu sa članom 153. Poslovnika Skupštine Kantona Sarajevo, jer postoji neodložna potreba da se utvrdi osnovica za obračun plaća u Kantonu Sarajevo koja je usklađena sa članom 59. Federalnog zakona, a prema raspoloživim sredstvima za ove namjene koja su predviđena u Budžetu Kantona Sarajevo za 2012. godinu.

FINANSIJSKA SREDSTVA POTREBNA ZA PROVOĐENJE ZAKONA

Provođenje ovog zakona izvršiće se u skladu sa budžetskim sredstvima predviđenim za ove namjene u Budžetu za 2012. godinu.

Bosna i Hercegovina
 Federacija Bosne i Hercegovine
KANTON SARAJEVO
 Ured za zakonodavstvo
 Vlade Kantona Sarajevo



Bosnia and Herzegovina
 Federation of Bosnia and Herzegovina
CANTON SARAJEVO
 Office for legislature of Sarajevo
 Canton Government

Broj: 09-02-sl/12
 Sarajevo, 04.07.2012. godine

Ured za zakonodavstvo

KANTON SARAJEVO
 MINISTARSTVO PRAVDE I UPRAVE

**PREDMET: Stručno mišljenje na prijedlog Zakona o izmjeni i dopuni
 Zakona o plaćama i naknadama u organima vlasti Kantona Sarajevo.**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Precišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi precišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Ured za zakonodavstvo Vlade Kantona Sarajevo nema primjedbi na dostavljeni prijedlog Zakona o izmjeni i dopuni Zakona o plaćama i naknadama u organima vlasti Kantona Sarajevo po pitanju njegove usklađenosti sa odredbama ustava i propisa koji regulišu oblast plaća i naknada u organima vlasti, a koji su navedeni u obrazloženju prijedloga ovog Zakona.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi precišćeni tekst i 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:
 1. Naslovu
 2. Evidencija
 3. Arhiva



SEKRETAR

Alfred Ljubović, dipl.pravnik



web: <http://uz.ks.gov.ba>
 e-mail: ured@ks.gov.ba
 Tel/fax: +387 (0) 33 560-448
 Sarajevo, Hamida Dizdara 1



PRILOZI **USTAV KANTONA SARAJEVO**

Član 18.b)

Skupština Kantona:

- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
-

ZAKON

O PLAĆAMA I NAKNADAMA U ORGANIMA VLASTI FEDERACIJE BOSNE I HERCEGOVINE
(Izvod)
Član 59.

Osnovica za obračun plaće

Osnovica utvrđena članom 5. ovog zakona primjenjuje se u kantonima, gradovima i općinama.

Član 60.

Način utvrđivanja koeficijenata i platnih razreda

Koeficijenti i platni razredi zaposlenih u organima vlasti kantona, općine i grada se utvrđuju Zakonom o plaćama i naknadama zaposlenih u organima vlasti kantona odnosno odlukama gradskih i općinskih vijeća o plaćama i naknadama zaposlenih u općinskim odnosno gradskim organima vlasti.

Kantoni će svojim propisima uz saglasnost sindikata propisati koeficijente za radna mjesta, s tim da osnovna plaća za ista ili slična radna mjesta u kantonu ne može preći 90% od plaće za takva radna mjesta na federalnom nivou.

Općine i gradovi će svojim propisima propisati koeficijente za pojedina radna mjesta, s tim da osnovna plaća za ista ili slična radna mjesta u općini i u gradu ne može preći 90% od plaće utvrđene u kantonu u čijem je sastavu ta općina ili grad.

Propisima iz prethodnih stavova ovog člana, ako se ne usaglase sa sindikatom u roku od 90 dana ne mogu se utvrditi koeficijenti u vrijednosti manjoj od 80% od koeficijenata propisanih propisima na prvom višem nivou vlasti.

ODREDBE KOJE SE MIJENJAJU I DOPUNJUJU **ZAKON O PLAĆAMA I NAKNADAMA U ORGANIMA VLASTI KANTONA** **SARAJEVO**

Član 5.

(Osnovica za obračun plaće)

U Kantonu se primjenjuje osnovica za plaću utvrđena članom 5. Zakona o plaćama i naknadama u organima vlasti Federacije Bosne i Hercegovine, umanjena do 10%.